

homines comparata: qualem Aeschini eloquentiam Demosthenes esse dixit.

Porro sicut Vlyssis socii Sirenas praetervecti sunt obstructis auribus, ne blandis & dolosis cantibus illicerentur in naufragium: ita nos decet adversari & fugere voluptates, nec praebere illis aures, qui dulcedine orationis corruptelaeque depravant doctrinam religionis.

FAB. X. AT MEDIVS &C.

De Arethusa in fontem.

Proserpina quomodo partim apud superos, partim apud inferos manserit, vide supra fabula sexta.

Opinio est, Alpheum fluvium, qui in Peloponnesiaco litore absorbetur, sub mare penetrare in Siciliam, & ante os Arethusa fontis emergere iuxta Syracusas. cuius rei si ve coniecturam, si ve veritatē, Poeta ut celebrarent, fabulati sunt, Alpheum amore ipsius Arethusa tam longo tractu sub mari cursum agere. est enim Arethusa fons totius Siciliae celeberrimus & amplissimus, ad cuius os ipse Alpheus quasi voluptate gestiens & exultans è fluctibus maris emergit, tanto impetu, vix ut cymbis adiri possit. Qui vero optantur, illum ex Helide eò usque penetrare, hac coniectura ducti sunt, nempe quòd stato tempore, cum Olympia celebrabantur, & victimarum sordes in amnem proiciebantur, Alpheus in litore Siculo solebat fieri turbidus, & Arethusa fons redolere finium. Sed Strabo negat hac esse vera: quamvis Timaeo philosopho, & Seneca in naturalibus questionibus, omnino vera esse videantur.

FAB. XI. HAC ARETHUSA &C.

De Lynco in lyncem.

Triptolemus fertur primus apud Eleusine instituisse sationem frumenti. id quia fuit è Sicilia allatum, ideo a Cerere illi missum fingitur. Ex Eleusine deinde ad finitimas gentes satio frumenti propagata est.

D 4

Scythica